



Projet promovût di 'La Vôs dai Furlans' e 'ARLeF'

SACHE BURACHE



La cjançon  
de setemane

La Gjate Marangule di gnot e va ator  
a fâ la vuaite ai frutins dulintor.  
E chei che no son ancjemò tal paion  
ju puarte lontan e ju glot intun bocon!

Cjantin insieme  
"Gjate Marangule" su



Lu saveviso  
che...?



Su la isule di Rottneest, in  
Australie, al vîf il quokka.  
Chesta besteute e somee  
un piçul cangûr: e salte e  
e à un marsupi dulà che  
e ten i siei piçui. Il pêl dal  
quokka al è maron, lis  
orelis tarondis e la musute  
pardabon ninine. Al pâr  
che al fasedi muse di ridi  
e par chest al è cognossût  
tant che l'animâl plu content  
dal mont! Al è ancje tant  
curiôs e, se al viôt un uman,  
dispès si svinde cence pôre.



Dilu in plui lenghis!



LA GJONDE



THE HAPPINESS




LA GIOIA

cumò fâs tu!

Trops sono?



Piture il dissen!



LES IMAGES A SON GIANADIS FÜRDÏ HTTPS://IT.FREEPK.COM - HTTPS://PKAGAY.COM - HTTPS://ARLEF.IT/

Pagjine curade  
dal Sportel Regionâl  
pe Lenghe Furlane de

ARLeF  
AGENZIE  
REGIONÂL  
PE LENGHE  
FURLANE

Vuelistu tornâ  
a viodi lis pontadis  
di Maman!? **Cirilîs su**



ANCJE  
'ON DEMAND'  
SU telefriuli

Cjale lis gnovis  
pontadis su  
telefriuli

Vinars aes 18.30  
e in repliche domenie  
aes 7.00 e aes 13.00

STELIS E LUSIGNIS  
Noa



**Roc.** Tu âs pôre che i  
bêcs no ti bastin, ma  
se tu stâs daûr dal to  
program no tu âs di  
vê pôre di nuie.



**Taur.** La invidie e je  
une brute bestie,  
soredut se tu le âs  
par chei che ti  
vuelin ben.



**Zimui.** Cualchi  
zornade tu sês  
svearin, cualchi  
altre indurmidît,  
cjate une vie di  
mieç.



**Gjambar.** Tu âs fis  
tal cjâf un pinsîr che  
ti fâs rabiâ, ma cussì  
il probleme no tu lu  
disberdeis.



**Leon.** Finis di pensâ  
che tu rivis a otignî  
dut, al è miôr  
contentâsi di dulà  
che tu rivis, che al è  
za tant.



**Vergjine.** Tu âs di  
sclarîti miôr cuntun  
amî che nol à capît  
ben parcè che tu ti  
compuartis cussì.



**Balance.** Cualchidun al  
cîr di fâti inçopedâ, tu  
âs di moviti prime che  
si inacuarzedi di jessi  
stât scuviert.



**Sgarpion.** Lis stelis  
ti dan un biel sburt  
tai afârs di bêcs, tu  
âs di profitâ ancje  
parcè che l'aiar al  
zire.



**Sagjitar.** Chestis  
zornadis ti platin  
plui di une sorprese,  
soredut tai rapuarts  
cun chei altris.



**Bec di mont.** Sul  
lavôr tu sês une  
fuarce e ducj ti  
amirin, ma ancje la tû  
famee e merete il to  
temp.



**Agarûl.** No tu rivis  
a durmî par un  
probleme che al sta  
par rivâ, ma no pierdi  
il sium ti judarà a  
frontâlû miôr.



**Pes.** Timp indaûr tu  
âs semenât une vore  
ben e cumò e je ore  
di cjapâ sù i risultâts.